



3681

kat.komp.

III.

Mag. St. Da

P

*Lienkiewicz Petri: Seraphicum vitae amphitheatrum s. francisci Confessoris, sacris adumbratum virtutibus - stylo poetico in lucem publicam productum.*

POËTAE POLON.

N. 2A







SERAPHICVM VITÆ  
AMPHITHEATRŪ,  
SANCTI FRANCISCI  
CONFESSORIS,

Sacris adumbratum Virtutibus,  
Inter Festiuam eius Diei Solennitatem,  
Stylo Pòético

IN LUCEM PUBLICAM PRODUCTUM;

*A C*

*Perillustri, & Admodum Reuerendo Domino,*

D. FRANCISCO  
O B O R S K I,

Ecclesiæ Collegiatæ Sanctorum Omnium

D E C A N O,

DOMINO ac BENEFACTORI AMPLISSIMO,

In argumentum debitæ Venerationis,

*A*

M. PETRO SIENKIEWIC,

*In Alma Vniuersitate Cracouiensi Philosophiæ Doctore, & Professore,*

Scholæ Sanctorum Omnium Seniore,

D E D I C A T V M.

*Anno Domini, 1686. Die 4. Octobr.*

---

CRACOVIAE, TYPIS VNIVERSITATIS.



In Stemma  
Illustriss: Domûs OBORSCIANÆ.



Insistens basi, OBORSCIADUM firmata COLUMNA;  
Magnanimi robur pectoris illa notat.  
Si Patriæ toties supponit fulcra cadenti;  
Firmius illa DEI sustinet ergò Domum.

BIBLIOTHECA

UNIV. IAGELL

CRACOVIA



PERILLVSTRI, ET ADM:

REVERENDO DOMINO,

D. FRANCISCO  
OBORSKI,

Ecclesiæ Collegiæ Sanctorum Omnium

DECANO,

Dño & Benefactori Amplissimo.



*N* exornatum Sacris virtutibus amphitheatrum, minus ornata personatam non nisi induta scenam, mea tenuitas prodit PERILLVSTRIS & REVERENDISSIME DOMINE. Ad quod ne utique me Tutelarîs tui S. FRANCISCI Diuina planè Virtutes euocassent; nisi expressa in Te illarum imago non illibentem cõegisset. Augustum enim hoc cali terræq; miraculum, Magnus seraphica religionis Protoparens, nitentibus Gloriosi Phœnomeni Stigmatibus consignatus, dum Cimmerijs obliuionis in umbris latere non debeat, in aliud orbis amphitheatrum prodire illustrius censuit, quam à Gentilitiâ OBORSIORVM COLVMNA, cœu solida basi sustentatum. Iuuat certè dicendis Diuinissimi Tutelarîs Tui magnarum virtutum decoribus, Apollinis Cytharam, tuis excelsis viuisq; dotibus animari. Nefas est Tymantem agere; & sub illius velo, Heroica virtutum tuarum facta obtutibus mortalium sistere; cum Gentilitiâ Tuâ COLVMNA, Herculeas etiam post se relinquat, cuius calum ipsam capax, nullum ei par terra spatium, immota religione in Deum, pietate in Diuos, amore in Patriam, ultra Calpen & Abylam nominis & gloriæ amplitudinem prorogauit. Cuius admiranda fortitudo in aula lubrico stetit semper inconcussa, velut Marpesia cautes, solida quia curis publicis fatigari nescia, etiam inter vasta Cycladum naufragia, inter horrenda Cycloperum monstra, infracta constitit. Inuenit in Te hanc Gentilitiâ COLVMNÆ firmitudinem, maximus ille Polonæ Maiestatis fulgor, Sanguinis Iagellonicî Phœnix, Serenissimus olim IOANNES CASIMIRVS, dum Te Augustali suo adscripsit, vt in publico theatro, maiorem prudentiæ, morum ac dexteritatis gloriâ reportares. Inde Tibi per tot Europæ nationes, regnaq; maximo terrarum & Oceani tractu distincta, vbicunq; literarum maiestas, & gloria floret, & quæsitus ingens doctrinæ, & prudentiæ apparatus. Inde iudicij acumen & sublimitas, mensq; refertissima vbertate dogmatum ex grauissimis Authoribus decerptorum. Inde disertum velut Romani eloquiij flumen, neruus dicendi, & robur sententiarum lepori Attico pondus serium immisilum, digna Regum & Principum maiestate rara facundia. Absit in angustias chartæ cogere, celeberrimos Maiores Tuos, qui non tantum hanc augustam Rempub; verum totam orbis subsolani machinam, factorum magnitudine, bellorum Victoriis & triumphis peruasere. Quis enim ab hac solida OBORSCIANÆ COLVMNÆ basi, magnanimos Hecdores, feliciores Iulios, inuictos Epaminondas, Decios, Curtios, Scauolas, in bello paceq; prodixisse non legit? quis prudentiâ Catones, iustitiâ Aristides, consilio Nestores, eloquentiâ Cynæas, & alios innumeros hinc prouenisse non aduerit? sacula non euoluo, temperare animo haud valeo,



quin tam verè quàm liberè dicam firmissimam Ecclesia DEI COLVMNAM, Illustrissi-  
 mum & Reuerendissimum THOMAM OBORSKI, Virum insigni Pietate, Virtu-  
 te, Eruditione, Vita verè Angelicà pràditum, apud omnes vite Condiiores esse in con-  
 fesso. Atq; ne palpo esse videar, sileo vel inuitus, quàm stupet orbis vniuersus in illustris-  
 simo & Reuerendissimo Dominino NICOLAO OBORSKI infracti animi robur,  
 in laboribus pro Dei honore, ac Ecclesia Dei immunitatibus sustinendis, necnon inueni-  
 illud vernantium virtutum, non secus ac LILII decus, quia quantò magis Deo soli San-  
 ctæ & exemplaris vite sue argumenta notiora esse cupit, tantò magis mortalium generi  
 ore vocali reuelare vanum ducit. Verùm sufficit & Tu Perillustri & Adm Reñde Do-  
 mine FRANCISCE OBORSKI, in Gentilitiæ COLVMNÆ Tuæ gloria sustenta-  
 da; cùm in Te cœu in compendio totius Illustrissimæ Domus summa reluceant decora ita;  
 ut meritò Tibi Illustrissimus & Reñdissimus Dominus Patruus Tuus Carissimus, con-  
 spirantibus in Te omnium votis, munus Decanale commiserit, omenq; Tibi non vanum fece-  
 rit ad altiores in Ecclesia Dei gradus, & honores, Ingens hoc profectò pondus alijs vide-  
 tur, cùm humeris suis incumbit; sed lacertos Tuos, tali ac tanto muneri obeundo pares  
 in Te inuenit, adeò; ut Hercules post Atlantem successisse dicaris. Quidni verò pectus Tu-  
 um expeditum sit Sacris eiusmodi curis; quod multa exterarum gentium notitia excolu-  
 it, quod maximus ille zelus circa Diuina, illa velut Centoculi Argi vigilantia & cura  
 accendit; cui gratiarum sine nube sudum, incredibili amore alliciens omnes, neminem per-  
 stringens, summam gloria, & honoris æstimationem conciliat. Sed ne omnem excellentiam  
 Virtutum Tuarum rudi calamo deterere præsumam, vel ipso eo nomine quia Te Mecœ-  
 natem agnosco & veneror, Seraphici huius amphitheatri non tam spectatorem, quàm Pa-  
 tronum supplex exopto. Expositum illud in publicum, ambire quidem protectionem Tuam  
 erubesceret; nisi in me ab amplitudine Tua, ac animo in præstandis beneficijs verè heroi-  
 co, promanantes gratia præstò constarent. Insigne igitur nomen Tuum, vel ideo inscri-  
 bit suo capiti; ut meam in Te gratitudinis tesseram describat. quod tantò alacrius velim  
 suscipe, quantò maiorem in eo Tui venerationem agnosces. Ego verò non manibus dabo  
 LILIA, sed votis cælo suspiria plenis; ut Seraphici amphitheatri basis, Diuus Tutelarīs  
 Tuus de OBORSIORVM COLVMNA, faciat Te omnigenā felicitate, amplitudi-  
 ne, gloriā, summisq; in Sacra Hierarchia honoribus, Solidatam Ecclesia Dei COLVMNAM,  
 Ita vouet.

Perillustri, & Reñdissimæ Dominationi  
 Vestræ,

Cliens Deditissimus;

M. PETRUS SIENKIEWIC,  
 Philosophiæ Doctor, & Professor, Scholæ SS. Omnium Senior;



## I.

## Sanctus Franciscus Nascitur.

**I**am nunc, iam tandem lætantes plaudite cuncti!  
 vitam FRANCISCVS ducit in orbe suam.  
 Infans iam gravidæ perrupit vincula Matris;  
 Vt libertatem viueret orbe datam:  
 Hic adamans lucem tenebras reputauit amaras,  
 Eternæ lucis Filius vt fieret.

## II.

## Natus Affisij.

Ausoniæ puero postquam dedit Affia lucem:  
 Est simul in vasto Cynthia nata solo.  
 Natus ad Hesperiam, Phœbi moriturus in ortu,  
 Solis ad occasum transtulit ille diem.  
 Italicis exorta plagis, fax lucida; cunctis  
 Monstratura vagis, lumine, nocte diem.

## III.

## In Fascijs retentus S. Franciscus.

Impia progeniem cur Fascia stringis Olympi?  
 Est dignus summis Fascibus iste puer:  
 Mitte coronentur fragranti tempora lauru,  
 Inuidiam facies: mitte Dynasta iubet;  
 Eius felici gaudebit nomine Roma,  
 Expers consilij, non ruer orbis eo.

## IV.

## Iuuenis Musis consecratur.

Pulchra suum gremio Musarum Flora nepotem,  
 Tradidit: & fructum docta Minerua rapit.  
 Huic laurum Pallas plexit, viridemq; coronam,  
 Ad Cœlum traxit Divus Apollo Lyrâ.  
 Gramma, malam didicit benè declinare Iuventam:  
 In Pœsi doctus scandere celsa poli,  
 Rhetor & Orator superos orare sciebat:  
 Argumenta Sophûm cuncta reuoluit amor.



## V.

## Mercator Pecuniæ.

Assis me genuit, cùm diues ab asse manebam;  
 Assibus in multis, nec tamen assis eram:  
 Auro diues eram, cæli sed ditior auro:  
 Argentum placuit spirituale mihi.  
 Diues opum fueram; nihilum tamen inde reportans;  
 Diuitijs supero, cuncta beata soli.

## VI.

## Mercator panni pretiosi.

Cur colis Endromidem rigidam, chlamydemq; profanam?  
 Tincta Tibi præstò murice vestis adest.  
 Serica Sidonius gignit Tibi stamina murex,  
 Et Tyrias diploes, dat Tibi dextra Patris.  
 Diuide purpureas peramande Sodalibus vlnas,  
 Sed satis vna foret Fratribus Vlra Tuis.  
 Vestijt hos humilis rugosâ fronte cuculus,  
 Purpurâ qui cæli pura vocatur humi.  
 Sunt Vestes, & Veste cares Pater Alme, cruentâ  
 Hâc nisi Vestiris: quam Sacra dextra dedit,

## VII.

## Mercator Fidei.

Non Græcam mercare Fidem, pie Græcule cæli,  
 Qui nunquam mercans orbe Cretensis eras.  
 Ecce Tibi grandem thesaurum monstrat Olympus;  
 Currito: diues eas magnus habebis opes.  
 Verba Fidem nutriunt, seruantq; fideliter astris,  
 Terenis fidibus clarior ista fides.

## VIII.

## Heluo mercatur Deum, apud S. Franciscum.

Quanti Numen abi: potius mercare falernum,  
 Hæc nam sunt pretio cara bibose Tuo.  
 Et si stulte Tuis non fidis viribus? ito:  
 Disce verecundus, quomodo Numen emas.



**A**st redeas ?mercare tamen bibo, Numina paucis,  
Cara dabo: non vis ? hinc procul ito scelus.  
Inuidiâ rapiare poli præcordia scindant  
Pectus; ego facilis: si velis illud emes.  
Esse precor cupias Magni conuiua Tonantis:  
Plus ibi Cælesti, sic madeasq; mero.

**IX.**

**Pater minatur S. Francisco vincula.**

Quid mihi cruda Pater promittis vincula terræ?  
Quem valide stringit Sacra catena DEI.  
Cardine me retrahet nunquam Tua dextra Supremo,  
Sim quamuis Xerxis torque ligatus atro.  
Non non afficiet rigido me compede terra,  
In vinclis rectus mente solutus ovat.

**X.**

**A facie Patris fugit.**

Ora tument irâ, Genitoris pectora feruent,  
Lumina Gorgoneo sæuius angue micant;  
A mucrone Patris fugio, videt vmbra latentem:  
Ast à me fugiunt, ensis & arma procul.  
Intuitus feriat Patris me Vulnere crudo;  
Sed tamen hæud poterit mucro ferire caput.  
Totus Cimmerias nolo latitare per vmbas,  
Prodroma nam virtus, arx mihi certa manet.

**XI.**

**Patrem & Matrem derelinquit.**

Hinc procul ite Patris thesauri, exeste metalla,  
Appage cum nummis, plena crumena Tuis;  
Iam mundus, iam terra vale, comitesq; valete,  
Iam Soror, & Genitor, Mater amica vale.  
Felix in vacua regnabo tutus arena;  
Quùm mundi, penitus nullus amicus erit.



## XII.

## Vocatio DEI ad Religionem.

Quò me Christe vocas? præeant Cælestia signa,  
 Astris natus eram, me simul astra petunt.  
 Spiritus Alme Patris duc me; Te flamine viam:  
 Ingrediar Temet, viscera pande mihi.  
 Per quod iter posco, per quæ loca Diue trahes me?  
 Per iuga, per vepres, te trahet aura mea,  
 At tu per medios hostes tutissimus ibis,  
 Ibis in audaces, & licet arma sonent,  
 Conscia mens recti FRANCISCE minantia vincet,  
 Turbida tranquillus pectora vincet amor.

## XIII.

## Professionem DEO facit.

O DEVS Omnipotens Tibimet mea vota referuo,  
 Pasce vagabundum, sum comes orbe tuus.  
 Quominus esse Tuus Socius possim arctus in æuum,  
 Iam me cum Socijs, dissociare volo.

## XIV.

Romæ cultum immutauit & inter pauperes  
 fedit, ac ex Eleemosyna Domum

## DEI ædificat.

Sacrâ Metropoli, cùm lustrat limina Petri,  
 Centonem induerant, brachia Sacra Viri.  
 Inde redux cælis audit verba: ito cadentem  
 Nostram, thesauris ædificare domum:  
 Sideris Archivum pro sumptu præstò patebit:  
 Proq; labore Tibi, regna beata DEI.

## XV.

## Regulam Ordinis sui confirmari petit.

Diue Pater nostram confirma posco tabellam,  
 Ex hac scripta, orbis discet amare DEVM.  
 Non peto mille boues, nec centum iugera terræ,  
 Sed per Te surgat, regula nostra peto.



Parvula sit quamvis mundo fert fulcra cadenti,  
Firmat eam Magnus scilicet ipse DEVS.

XVI.

**Ad pedes Innocentij Pontificis Maximi pal-  
ma excreuit.**

Præsulis excrescit Supremi sub pede palma,  
Cælum cum terra foedus inire notat.

**Item in eandem Palmam.**

Ne plantis mirere Sacris succrescere Palmam,  
Plantatoris erat planta benigna sui.

XVII.

**Vita austerâ, & seuerâ.**

Esca Tibi cinis est, cineres rediturus in istos,  
Terram terra vorat, vermis humumq; colit,  
Fercula non cocus; ast tenuis Tibi mensa ministrat,  
Pocula non Bacchus, sed brevis vnda parat.  
Non vt edas viuis, sed edis quo viuere possis  
Vita tibi nihil est, nam nihil eius aues.

XVIII.

**Discipuli proficiunt sub illo.**

Cessent Argolici doctas iterare Mineruas,  
Gymnasium sileat dulce Platonis apes;  
Proficiunt socij tanto dictante Magistro,  
Illis non Ephorus, sed Theopompus adest.  
Nec mirum, per Te fratrum nam pectora, pro quam!  
Extant Cælesti docta Magisterio.

XIX.

**Recusat in ædificijs sublimibus manere.**

Magnificas ego nolo domos nec regia tecta,  
Pergama Lycini, marmora pulchra procul,  
Taliam nam terris habitare superbia poscit  
Ast humiles animos paruula tecta fouent.



## XX.

## Amor erga Proximū in paupertate.

Nil habeo, multos video qui plurima poscunt;  
 Omnibus en trado, cor animumq; meum.  
 Malo vita mihi fragili breuietur in orbe,  
 Quān prolongetur non bona fors homini.

## XXI.

## Intactus ab igne remansit.

Ignis totus erat, scintillas flamma vorabat,  
 Accendens castis ignibus orbe rogos;  
 Idaliis infensus erat flammis quia Diuus,  
 Ignis FRANCISCO, magnus amicus erat.

## XXII.

Corpus non deliciis, sed verberibus nutrit.  
 Heū mihi corpus edax, multorum causa malorum,  
 Posceret illecebras, sed sibi verber adest.  
 Corpus cum scindes, animam FRANCISCĒ relinques,  
 Tunc posco quid eris? non homo, fors anima.  
 Imbribus hybernis æternū corpus humabo,  
 Et sic tutus erit spiritus inde meus.  
 Castius è niuib; castis vt credo resurget,  
 Magnum frigus ei robora firma dabit.

## XXIII.

In impressa Vulnera manibus, pedi-  
 bus, & lateri.

CHRISTVS cum Diuo patiuntur Vulnera pro quo?  
 Hic vetus, iste nouum tollere morte scelus.

## Item in eadem.

Fōrs oblitus erat passi orbis Stigmata CHRISTI,  
 Hæc iterū renouat, credat vt orbis ea.  
 Compatitur CHRISTO quassatâ miles arenâ,  
 Non homo fitq; simul, cū DEVS esse fugit.

## XXIV.



## XXIV.

## Occultat Vulnera in Corpore.

Corpore cur casto celas tua Vulnera Diue ;  
Ne tumor, elatâ surgere mente queat.

## XXV.

## Moritur S. Franciscus.

Expectata dies Supremo venit Olympo,  
Quâ lumen fidei, tum decus occiderat ;  
Sed vita vna dies fuit hæc, quam vixit in orbe,  
Semper viuenti, luxq; diesq; fuit.  
Sol terris oritur ; sed vt occidit inde repente ;  
Sic Diuus, Sol hic quò fuit ortus, abit.

## XXVI.

## In qua natus, in eadem moritur Vrbe.

Prò quàm cruda nimis Patriæ sunt fata videtis,  
Non parcunt nato quem peperere suo,  
Hunc Latium genuit, nec ei latiale pepercit,  
Morte solum hi fodiunt ; qui peperere lares.  
Sed FRANCISCÆ, Tuis minimè turbabere fatis,  
Vita Tibi mors est, mors Tua vita Tibi.

## XXVII.

## In Ecclesia B. M. Virginis ad Portiunculas tumultatur.

Cùm dubij maneant omnes, quâ sorte beentur  
Funera post animæ, quæ teneantq; loca,  
Ædes dum refouent Diuæ Te, dicere possum,  
Portio Cælestis tradita Diue Tibi.

## XXVIII.

## Tumulatus, incorruptus manet.

Ad tumulum fertur, Fratrum populiq; dolore,  
Mente celebris homo contumulatur humo.  
Non tamen in cineres sæclis tot soluitur vrna,  
Nam DEVS Alme, Tuis ignibus ardet adhuc.



## Epitaphium Diuo Francisco stanti in tumulo.

Nullum miraris monumentum stare viator,  
 Eius imago loquax, stat super in tumulo;  
 Dicit aue, dicitq; vale, quærentibus hîc stas;  
 Inquit vivus ego; quid mihi cum tumulo.  
 Sum orbem dimensus, tumulus mihi terra remota;  
 Et custos tumuli, sum super orbe mei.  
 Decessi orbe breui, compleui tempora multa,  
 Sæcula, non annos hîc numerare scio.

Ad M. D. G. B. M. V. H. S. F. C.









